



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

II. Die Markgrafen Otto und Conrad schenken die Kirche zu Berge dem Kloster in Hilbeherode, am 24. August 1292.

[urn:nbn:de:hbz:466:1-54581](https://nbn-resolving.org/urn:nbn:de:hbz:466:1-54581)

U r k u n d e n.

I. Kaiser Otto verzeihet dem Kloster Memleben Nienburg, Dubie und Brichowa im Havel-
lande, am 21. Juli 981.

In nomine sancte et individue trinitatis Otto divina favente clementia Imperator Augustus, Nouerit omnium fidelium nostrorum tam presentium quam et futurorum cautela, qualiter nos interventu et petitione dilecte conlectalis nostre Theophanie Coimperatricis Auguste pro remedio anime nostre et genitoris nostri aequivoci, Coimperatricis nostre pietatis ductu, loca quedam et Castella in partibus Slavonie, Nienburg, Dubie et Brichowa dicta, in pago Hevellon nuncupato in Comitatu Dieterici Marchionis juxta fluvium Havela dictum sita, ad quendam locum Mimelebo dictum in honore sancte Dei genitricis semperque virginis Marie cum monachis sub monastica institutione et regula degentibus a nobis nostraque conlectali Theophana speciali devotione et sumptu inceptum et constructum, ubi idem jam presatus genitor noster diem sortitus est ultimum, cum Burgwardis et omnibus utensilibus illuc rite pertinentibus in perpetuum tradidimus in mancipiis utriusque sexus, edificiiis, terris cultis et incultis, areis, vineis, silvis, venationibus, aquis agrarumque decursibus, molendinis, piscationibus, pratis, pascuis, campis, viis et inviis, exitibus et reditibus quaesitis et inquirendis, et omnibus utilitatibus, que adhuc dici aut nominari possunt, ea videlicet ratione ut Abbas cum monachis in predicto loco Mimelebo Deo famulantibus liberam inde teneat potestatem tenendi, commutandi, seu ad eorum necessaria, prout eis visum fuerit, constituendi atque disponendi. Et ut hec traditionis nostre donative per tempora succedentia a nullo unquam divelli vel inquietari possint, hoc nostre majestatis preceptum inde conscribi, manaque propria subtus notatum sigilli insuper nostri impressione jussimus sigillari Hildeboldus Episcopus et Cancellarius ad vicem Willegisi Archicapellani notavi. Data XII Cal. Aug. Anno dominice incarnationis DCCCCLXXXI, Anno regni secundi Ottonis XXI, Imperii autem XIV.

Wenzl, Hess. Landesgeschichte Urkundenbuch zum 2. Theil S. 36.

II. Die Markgrafen Otto und Conrad schenken die Kirche zu Berge dem Kloster in Hilbege-
rode, am 24. August 1292.

In nomine domini Amen. Otto et Conradus, dei gratia marchiones Brandenburgenses et de Landsberg universis, hanc litteram intuentibus seu cernentibus, salutem in domino sempiternam. Cum multotiens actus hominum legitimi propter diversos casus, qui rebus humanis incidunt, immutentur, expedit ut gesta hominum mobilia, ne simul labantur cum lapsu temporis, linguis testium ydoneis et scriptis autenticis eternentur. Ad universorum igitur noticiam tam presentium quam futurorum Christi fidelium deducimus per presentes, quod, cum cenobium Hilbregerode, ordinis Premonstratensis et domini canonici regulares, inibi domino famulantes, videlicet Theodericus prepositus, Lambertus prior, totusque conventus variis angariarentur tribulationibus: tum propter

Haupttheil I. Bd. VII.

39

viarum discrimina aspera tum propter rerum suarum dispendia ob impetitionem ecclesie in Scrapelow, quam dominus Burchardus bone memorie, olim de Scrapelow dictus, inpetiit et postmodum sui heredes fortiter inpetebant, nos quoque variis et diversis super ipso negotio et crebris a partibus utrisque quateremur pulsationibus et querelis, maturo tandem prefati domini canonici usi consilio ad gratiam nostram ac instantiam, nostri, dyocesani sui et totius capituli sui consensu et assensu pleno accedente et voluntate, resignaverunt prefatam ecclesiam in Scrapelo cum omnibus suis attinentiis, quocunque censeantur nomine, abrenunciantes plene omni jure et proprietati ejusdem et collationi ipsius, ita quod nichil juris, nichil prorsus proprietatis in ipsa ecclesia, nihil collationis sibi ac suo predicto cenobio de cetero poterunt vindicare. Nos itaque Otto et Conradus marchiones cum consensu pleno heredum nostrorum damus et donamus prefato cenobio et dominis canonicis in recompensam et in restaurum ecclesie in Scrapelo, quam resignaverunt, ecclesiam nostram in Berge, sitam apud Nawen, cum omnibus ipsius ecclesie attinentiis, quodcunque forciantur nomen, cum omni juris integritate et cum ipsius proprietate plena, ita quod similiter nichil juris, nichil omnino proprietatis seu collationis nobis de cetero aut heredibus nostris vindicare poterimus in eadem, indulgentes predictis dominis canonicis, quod, si quem viceplebanum in predicto loco Berge posuerint, si idem viceplebanus jura carnis exsolverit quod idem domini tollent omnia sua bona si heredes evidentes non habuerint neque in his bonis relictis debent a nobis seu a nostris advocatis aut a bodellis nostris ullatenus impediri, addentes preterea quod sepe dictis dominis canonicis et ipsorum cenobio damus et donavimus omnes proventus ecclesie in Byteckow sitos juxta Pritzlaviam et ipsam ecclesiam ad tempora vite plebani in Berge nunc videlicet domini Arnoldi de Lutere, canonici sancti Nicolai in Magdeburg quiete et pacifice possidendam. Mortuo vero prefato domino Arnoldo jam dicta ecclesia Bytekow ad nos libere remeabit, nisi volumus ipsam dimittere prefato cenobio de nostra gracia speciali. In predictorum omnium evidentiam et ne in posterum ullam a nobis seu a nostris successoribus calumpniam patiantur, presentem cedula[m] conscribi jussimus et sigillo venerabilis domini Henrici, episcopi Merseburg., qui presentibus, cum fierent, aderat, et sigillorum nostrorum appensionibus decernimus communiri. Testes hujus rei sunt reverendus in Christo pater, predictus Merseburgensis episcopus, Otto de Pouck, Otto de Ylburch, Otto de Depense, Conradus de Redere, Fredericus de Oltrowe, Borchardus magister de Irkesleve, Albertus de Clepzk, ministeriales nostri et alii plurimi fide digni. Acta sunt hec Merseburg. in curia domini episcopi et data anno domini M^o. CC^o. LXXX^o. secundo VIII kal. Septembris, que fuit dies sancti Bartolomei apostoli, per manum domini Alwardi prepositi Reppinensis, curie nostre notarii et capellani.

Nach dem Originale im Brandenburger Stifts-Archive.

III. Der Markgraf Hermann verleiht das Patronatsrecht über die Kirche zu Nauen dem Decapitel in Brandenburg, am 10. Jan. 1305.

In nomine domini Amen. Ne ea, que aguntur in tempore, simul cum volubilitate temporis evanescant, consuevit ea modernorum subtilitas scripturarum testimonio atque viva voce testium perhennare. Hinc est, quod nos Otto, Johannes et Wolmarus, dei gratia Brandenburg. et de